



Republika e Kosovës
Republika Kosovo
Republic of Kosovo



Komuna e Istog
Opština Istok
Istog Municipality

<http://kk.rks-gov.net/istog/>

Tel: 038/200 438 14

KUVENDI I KOMUNËS/SKUPŠTINA OPŠTINE/MUNICIPAL ASSEMBLY ISTOG

PROCESVERBAL

Nga mbledhja e pesëmbëdhjeta e rregullt e Legjislacionit të VII-të të Kuvendit të Komunës së Istogut, mbajtur më: **31.08.2023**, në Sallën e Kuvendit të Komunës në Istog, filluar me punë në ora **10:00**.

Në mbledhje ishin të pranishëm këta këshilltarë:

- | | |
|---------------------------------------|------------------------------------|
| 1. <u>Enver Rugova, LDK;</u> | 13. <u>Ardita Idrizaj, AAK;</u> |
| 2. <u>Hajrush Shoshi, LDK;</u> | 14. <u>Ajshe Metaj, AAK;</u> |
| 3. <u>Faruk Kabashi, LDK;</u> | 15. <u>Negjdet Ramaj, AAK;</u> |
| 4. <u>Haki Podrimaj, LDK;</u> | 16. <u>Fjolla Ukaj, AAK;</u> |
| 5. <u>Ruzhdi Metaj, LDK;</u> | 17. <u>Florin Dreshaj, VV;</u> |
| 6. <u>Faik Alushaj, LDK;</u> | 18. <u>Niman Beqiraj, VV;</u> |
| 7. <u>Veton Kurtaj, LDK;</u> | 19. <u>Floriana Maxharraj, VV;</u> |
| 8. <u>Arta Balaj, LDK;</u> | 20. <u>Lavdiqe Bujupaj, VV;</u> |
| 9. <u>Liridona Lajçi Avdiaj, LDK;</u> | 21. <u>Andi Xhuraj, PDK;</u> |
| 10. <u>Valbona Demaj, LDK;</u> | 22. <u>Visar Haxhijaj, PDK;</u> |
| 11. <u>Arianit Selmanaj, AAK;</u> | 23. <u>Era Visoqi, PDK;</u> |
| 12. <u>Nexhmedin Balaj, AAK;</u> | |

Mbledhja ishte e hapur dhe në mbledhje ishin të pranishëm: Kryetari i Komunës z. Ilir Ferati, Nënkyetari i Komunës, z. Ali Nimanaj, Nënkyetari për Komunitete z. Valmir Rama, Drejtoret e Drejtorive, përfaqësues të OSBE-së, KFORI-të, monitoruesja nga DEMOS – KDI, zyrtarë administrativ si dhe media lokale RTV – Fontana (lista e nënshkrimeve të evidencës së pjesëmarrjes është pjesë përbërëse e këtij procesverbali dhe e njëjta gjendet në dosje: "shembulli 1")

(Ecuria e tërë mbledhjes është xhiruar edhe CD-të e xhirimit gjenden në dosje: "shembulli 2").

(Ecuria e tërë mbledhjes është xhiruar dhe publikuar drejtpërdrejt në youtube: : "shembulli 3").

Mbledhjen e hapi dhe e kryesoi, Kryesuesi i Kuvendit të Komunës z. Enver Rugova.

Kryesuesi i Kuvendit, z. Enver Rugova – përshëndeti të gjithë të pranishmit në këtë mbledhje.

Hap punimet për mbledhjen e tetëmbëdhjetë të rregullt të Legjislacionit të VII-të dhe për këtë mbledhje propozoi këtë rend dite:

Konstaton Kuorumin për mbajtjen e mbledhjes në bazë të listës së nënshkrimeve dhe prezencës tuaj këtu prezent janë 26 të anëtarë të Kuvendit.

Vazhdojmë me mbledhjen :

R e n d d i t e

1. Arsytimi i mungesave në mbledhje;
2. Miratimi i procesverbalit nga mbledhja e kaluar;
3. Shqyrtimi i raportit vjetor të DKA-së për vitin shkollor 2022-2023;
4. Formimi i komisionit për përzgjedhjen e drejtorëve nëpër shkolla K. Istog;
5. Falja e Borxhit të tatimit në pronë deri në shumën prej 100 €, sipas Ligjit Nr. 08/L-225 për Ndryshimin dhe Plotësimin e Ligjit Nr. 06/L-006 për Tatimin në Pronën e Paluajtshme ;
6. Pyetje nga anëtarët e Kuvendit.

Kryesuesi i Kuvendit – a ka dikush diçka nga anëtarët e kuvendit apo nga ekzekutivi?

Florin Dreshaj – përshëndet të gjithë të pranishmit, zakonisht në muajin gusht kemi pasur pushim pse tash thirret mbledhje me dy pika te rendit të ditës cili është qëllimi i kësaj mbledhje a është qëllimi veç me i marr qato mëditje apo vërtet ka pas diçka urgjente.

Kryesuesi i Kuvendit – keni të drejt ne e kemi paralajmëruar si pushim por Kuvendi është Kuvend nuk është me dy pika por i ka se paku tri. Edhe në shkresë nga Ministria na obligon me thirr mbledhjen.

Kryesuesi i Kuvendit – pyet anëtarët e Kuvendit a jeni që të miratohet rendi i ditës për këtë mbledhje.

Hedh në votim rendin e ditës

Miratohet unanim rendi i ditës për këtë mbledhje.

Konstatojmë që 24 anëtar janë prezent

Shqyrtimi i pikës 1.

Kryesuesi i Kuvendit - në mbledhje mungojnë: tre anëtar të cilët janë lajmëruar që nuk mund të marrin pjesë në mbledhje: Njomza Demaj, Melis Smakic dhe Qerim Rexhaj, për arsye shëndetësore.

Shqyrtimi i pikës 2.

Kryesuesi i Kuvendit – Procesverbalin e keni pa a ka dikush ndonjë vërejtje.

Kryesuesi i Kuvendit – pyet nëse ka edhe dikush diçka,

Pasi që nuk keni diçka,

Hedh në miratim

Miratohet unanim pa vërejtje.

Konstatohet që me 24 vota për aq sa janë të pranishëm miratohet procesverbali i mbledhjes së kaluar i datës 31.08.2023.

Shqyrtimi i pikës së 3.

Kryesuesi i Kuvendit- vazhdojmë me piken tjetër, Shqyrtimi i raportit financiar për tre mujorin e dytë të vitit fiskal 2023.

Drejtori i Arsimit, z. Naim Behlulaj, përshëndet të gjithë të pranishmit, benë prezantimin dhe sqarimin e Raportit vjetor të DKA-së për vitin shkollor 2022-2023.

Hajrush Shoshi – përshëndet të gjithë të pranishmit, për nxënës mbi 4 kilometra kemi dy relacione me nxënës të cilët duhet të planifikohen për vitin 2024 Dubov e Vogel- Banjë është mbi 4 kilometra edhe Llugat e Saradranit lagjet “ Gashi dhe Nikqi” deri të shkolla fillore në Saradran janë së paku edhe dy relacione tjera se tejkalojnë këtë largësi.

Në raport të përmirësohet jo 140 bursa por 144 bursa te jetë shifra e saktë.

Te kemi një raport me gjithëpërfshirës te përfshihet në këtë raport 2 projekte të cilat janë zhvilluar në shkollën e mesme profesionale „Mithat Frasheri” në Gjurakoc .

Agron Gashi – përshëndet të gjithë të pranishmit, raporti është pak i mangët me 4 faqe raport besoj që edhe ekzekutivi ka mundur me përfshi edhe punë të mira që janë bere e që nuk i ka përfshirë hiq edhe disa punë që ka mundur me i përfshirë që janë rezultate konkrete e që nuk janë në këtë raport e qe ne na interesojnë në kuadër të ngritjes së cilësisë në arsim kryesisht në këtë raport është përmendur transporti konkurset dhe investimet kapitale, jo materja jo pjesa e ngritjes së cilësisë në arsim apo rezultatet. I kam pa disa ngecje te këtij raporti që janë përfshirë, ndarja e institucioneve edukativo-arsimore duke filluar nga parashkolloret dhe institucionet private, si po funksionojnë çka ka te meta çka ka mangësi në to pastaj rezultateve e garave komunale në çdo raport në çdo kuvend se si po ecin këto gara, pastaj rezultatet dhe të arriturat e testeve me pa se ku jemi si kemi dal si është gjendja, puna e cilësisë nuk është përmendur hiq veç pjesa e projekteve kapitale. Pastaj praktikat profesionale sa po zbatohen ato praktika profesionale sa janë të gatshme bizneset ku janë përgatitjet nga ekzekutivi apo ne me i ndihmuar . ne na intereson ku ka ec arsimi nga vitet e kaluara cilat janë sfidat e këto.

Nimon Beqiraj – përshëndet të gjithë të pranishmit, tek transporti i nxënësve në mbi 4 kilometra tani në vija të reja që do ti bëni ta keni parasysh edhe rrezikshmërinë e rrugëve dhe mungesën e trotuareve kemi fshatrat Zabllae e Drejë prindërit paguajnë transportin për shkak të arsyejeve që përmenda nuk mund ti len të shkojnë vetë.

Florin Dreshaj – përshëndet të gjithë të pranishmit, ku raport për mua ka qenë torturë me e lexuar këtë katër faqe dhe me mendu që është raport me shumë i ka përngjaj një hartimi të shkollës fillore se sa një raport ka pasur dobësi edhe në përmbajtje edhe në formë, raporti është bërë me shumë gabime sa që kanihere e kanë hup kuptimin me hi ka gramatika kryefjala është në njëjës ndërsa kallëzuesin në shumës e qesim parafralën në vend të nyesë përpiluesi i këtij raporti nuk e di a i ka ra ka shkolla e mesme ndonjë here sepse nxënës me qenë këto është dashur me i ditë. Çeket diçka dhe nuk sqarohet se çka. Kisha dashur ta di sa nxënës përfitojnë nga transporti me mbi 4 kilometra largësi nga shkolla. Nuk e di cilat shkolla kanë marrë nxënësit uniforma sa ka qenë ky numër i uniformave dhe sa ka qenë shuma që janë shpenzuar për to.

Naim Behlulaj – përshëndet të gjithë të pranishmit, sqaron pyetjet dhe vërejtjet e bëra.

Ajshe Metaj - përshëndet të gjithë të pranishmit, në KPF e kemi realizuar shumicën e këtyre që kanë qenë në vitin e kaluar mësimor 2022-2023 e shumica e kolegëve i bënë pyetjet që unë i kam paralajmëruar edhe meqenëse e mora fjalën së fundmi pata dilemë pajisjen e uniformave të nxënësve neper shkolla fillore megjithëse drejtori veç e dha përgjigjen faleminderit nga ata.

A e din natyrën e trajnimeve që sivjet kanë me u organizuar?

A janë përfunduar të gjitha konkurset për mësimdhënës?

Sa bursa doni sivjet me i nda?

Pos lendeve djegëse drunore e tjera a përfshihen edhe lënde tjera këtu?

Pajisja e kabineteve ne si shkollë kemi bërë një kreksë rreth reagjentëve në kabinetin e kimisë.

Kryesuesi i Kuvendit- faleminderit! Dikush tjetër a e dëshiron fjalën? Pasi që jo po kalojmë në pikën tjetër të rendit të ditës.

Shqyrtimi i pikës 4.

Kryesuesi i Kuvendit- vazhdojmë me pikën e katërt të rendit të ditës, Formimi i komisionit për përzgjedhjen e drejtorëve nëpër shkolla K. Istogut.

Naim Behlulaj- faleminderit për fjalën kryetar! Pasi që udhëzimi administrativ e parasheh që çdo vit të kemi përzgjedhjen e komisionit për vlerësimin apo përzgjedhjen e drejtorëve dhe zv. drejtorëve në institucione shkollore ne propozojmë që nga DKA pjesë e komisionit të jetë Naim Sadriu pasi që e ka përfunduar trajnimin e duhur për vlerësim dhe nga shkollat drejtoresha Mimoza Kabashi.

Kryesuesi i Kuvendit- faleminderit drejtor! Hapim diskutimin, por këto janë propozime të drejtorisë. Për korrektësi më duhet ta lajmëroj që anëtari i Kuvendit z. Faruk Kabashi nuk ka të drejtë të marrë pjesë në votim për shkak të afërsisë me anëtarin e komisionit të cilën e ka bashkëshorte dhe ka dalë nga mbledhja para se të fillonte kjo pikë e rendit të ditës.

Kryesuesi i Kuvendit- E hedh në votim këtë pikë të rendit të ditës, kush është që të jetë ky komision për vitin kalendarik? Kush është për?

Konstatohet që nga 22 anëtarë të Kuvendit me 16 vota për 5 kundër dhe 1 abstenim miratohet pika e rendit të ditës formimi i komisionit për përzgjedhjen e drejtorëve nëpër shkolla të Komunës së Istogut.

Shqyrtimi i pikës 5

Kryesuesi i Kuvendit – vazhdojmë me piken e pestë Falja e Borxhit të tatimit në pronë deri në shumën prej 100 €, sipas Ligjit Nr. 08/L-225 për Ndryshimin dhe Plotësimin e Ligjit Nr. 06/L-006 për Tatimin në Pronën e Paluajtshme.

E kemi një letër nga ministria e Ekonomisë Punës dhe Transfereve që të falja e borxhit të tatimit në pronë deri në shumën 100 euro sipas ligjit nr. 08/L-225 Për Ndryshimin dhe Plotësimin e Ligjit nr. 06/L-006 Për Tatimin në Pronën e Paluajtshme na e kanë caktuar një datë deri kur mundemi me e shqyrtuar është 15 shtatori por pasi që u thirr kjo mbledhje e kemi parë më të arsyeshme që ta fusim si diskutim apo shqyrtim në këtë mbledhje. Materiali është ky, dhe e kemi parë të arsyeshme që ta sjellim në Kuvend sepse është shumë e rëndësishme sepse e përfshinë në impakt pjesën më të gjerë të qytetarëve në komunën tonë. Fjalën e ka kryetari i komunës z. Ilir Ferati.

Kryetari i komunës- faleminderit kryesues! Përshëndet të gjithë të pranishmit! Siç e tha kryesuesi ka ardhur prej ministrisë me qëllimin që me e lehtësuar atë barrën tatimore që është ngarkuar pas rritjes së koeficientit të tatimit në pronë për pronat e paluajtshme që janë në pronësi të qytetarëve të komunës. Pikë të cilën e kemi shqyrtuar edhe në KPF, dhe jemi dakorduar ta sjellim në Kuvend, por pa ndonjë rekomandim të veçantë në mënyrë që me pas një diskutim të përbashkët me anëtarët e Kuvendit. E që edhe me dërgimin e këtij ligji në Gjykatën kushtetuese na obligon me e prit përgjigjen e Gjykatës me e parë se a po del ligji në kundërshtim me kushtetutshmërinë e vendit apo jo. Mendoj që ka qenë një plotësim ndryshim i shpejt dhe i ngutshëm , është dashtë të bëhet në procedurë të rregullt të plotësim ndryshimeve të ligjeve që i bën Kuvendi i Republikës së Kosovës që të bëhet pjesë edhe e grupeve punuese edhe diskutimeve. Ligji i ka dy, pika parë është shuma e faljes së tatimit në pronë për

të gjithë tatimpaguesit lejohet deri në lartësinë 100 euro dhe e dyta mundësia me e ndryshuar normën e tatimit nga 15 deri në 10. Afati parë i këtij është deri me 15 shtator, uroj dhe shpresoj që Gjykata kushtetuese del me një vendim të paktën ose me një konfirmim të kushtetutshmërisë të Ligjit që është dërguar nga Asociacioni i komunave të Kosovës. Një buxhet siç është i komunës tonë, është jashtëzakonisht e papërballueshme me e proceduar, pse po e them këtë, sepse mua më duket me një shije të këndshme politike që kur del dhe me ballë hapur ju thua qytetarëve që ua kemi falur nga 100 euro por të idhtit e atij veprimi del kur vitin e ardhshëm nuk i kryhet një trotuar apo një rrugë, një copë ujësjellësi, janë penalitete që mundem me i vuajtur si ekzekutiv në kuptim të realizimit të obligimeve tona të cilat i kemi marrë para qytetarëve. Nuk po e zgjati më shumë fjalën ja kaloj drejtorit ta bëj një sqarim më profesional edhe të numrave të këtyre efekteve e pastaj mundemi me diskutuar.

Kryesuesi i Kuvendit- faleminderit kryetar, fjalën e ka drejtori i drejtorisë për Buxhet dhe Financa.

Genc Ademaj- përshëndet të gjithë të pranishmit dhe sqaron pikën e rendit të ditës Falja e borxhit të tatimit në pronë deri në shumën 100 euro sipas Ligjit nr. 08/L-225 Për Ndryshimin dhe Plotësimin e Ligjit nr. 06/L-006 Për Tatimin në Pronën e Paluajtshme.

Florin Dreshaj- kjo pikë e rendit të ditës për mua dhe për Lëvizjen Vetëvendosje është pak delikate sepse normal që jemi për me e falur dhe me ju ndihmuar qytetarëve por normal që nuk jemi për me e zvogëluar buxhetin e komunës. Na tregoi edhe drejtori që afër 600 mijë euro zvogëlohet buxheti i komunës por megjithatë duke besuar qeveria nuk ka me na lënë keq, d.m.th nëse kemi ndonjë ngecje dhe deri tash të gjitha projektet që i ka dërguar Istogu nuk janë refuzuar gati asnjë dhe duke llogaritur që Istogu ashtu kështu nuk po din me i planifikuar dhe po i teprojnë më shumë se 1 milionë euro, atëherë duke u bazuar në këto jemi pro kësaj falje.

Agron Gashi- faleminderit kryesues! Edhe ne e kemi lexuar dhe i kemi parë këto pjesë që janë diskutuar në komuna tjera sepse në komuna tjera ka ardhur edhe më herët, e dimë që ky ligj është në Gjykatën kushtetuese për shkak të implikimeve buxhetore. Ne e dimë që komunat financohen dhe e marrin buxhetin nga të hyrat vetanake, kështu që ne me këtë veprim mundemi me e bërë një diçka të mirë individualisht për qytetarët me ja u dhënë ka 100 euro, mirëpo në kuadër të pjesëve kolektive kemi me e bërë një dëm të madh sepse ka me i munguar infrastruktura atij qytetari. E dimë që shumë qytetarë tashmë po participojnë edhe në rrugë, tash ne po ja japim 100 euro po kemi me ja u ndal atë rrugë. Kështu që te kjo pjesë kisha thanë me e prit Gjykatën kushtetuese, ashtu siç tha drejtori, nëse duam e bëjmë edhe një seancë të jashtëzakonshme sepse ta obligon edhe ligji edhe nuk ke se çfarë bën. Por askush nuk është që mos ti

ndihmojmë qytetarëve, por kjo është e keqe më e madhe nëse qytetarëve nëse ne ua heqim buxhetin komunës ku ata jetojnë prej këtij buxheti. Faleminderit shumë!

Hajrush Shoshi- unë e dëgjova me vëmendje edhe kryetarin, drejtorin e financave edhe parafolësit e mi. Unë besoj që presioni i komunave për uljen e tatimit në pronë e ka rritur qëllimin sepse shkalla e tatimit në pronë për vitin e ardhshëm është mundësi të ulët nga 0.15 në 0.1, i bie diku 33% dhe të gjithë qytetarët e komunës së Istogut tatimin në pronë për vitin e ardhshëm do ta paguajnë diku 33% ma lirë. Për këtë vit nuk e besoj asnjë qytetarë që nuk është i interesuar që ta paguajë tatimin në pronë, përkundrazi të gjithë janë të interesuar. Prandaj nuk është e udhës që të bëjmë falje prej 100 euro sepse dëmtohet buxheti i komunës tonë. Faleminderit!

Genc Ademaj- jep sqarime shtesë te pjesa e kërkesave që ka rrjedh.

Kryesuesi i Kuvendit- fjalën e ka Negjdet Ramaj.

Negjdet Ramaj- desha një sqarim a po ngritet 33% a po ulet tatimi në pronë se Hajrushu tha po ulet unë mendoj se po ngritët.

Genc Ademaj- këtë do ta definojmë bashkë me juve në mbledhjen e nëntorit ku e kemi edhe obligim që çdo komunë me marrë vendim normën e tatimit në pronë. Është mundësi e uljes për vitin e ardhshëm 2024 por bashkë me juve e elaborojmë.

Kryesuesi i Kuvendit- a e dëshiron edhe dikush fjalën? Pasi që jo po e hedhim në votim, propozimin e kryetarit që ta presim vendimin e Gjykatës kushtetuese edhe opinioni ishte sa pata mundësi ta vërej prej shumicës së këshilltarëve, kështu që kush është që vendimi i Kuvendit përputhet me dërgesën e Ligjit në Gjykatën kushtetuese d.m.th ta presim një vendim pasi që ndërlidhet edhe me vendimin e Kuvendit tonë. D.m.th pika shtyhet sepse afatin e kemi deri me 15 shtator dhe mundemi me e thirr një mbledhje të jashtëzakonshme.

Kryetari i komunës- nëse më lejohet, sa pashë unë përpos përfaqësuesve të lëvizjes Vetëvendosje të tjerët ishin të dakordimit që mos të bëhet. Përkundër që ne jemi të obliguar që ta presim vendimin e Gjykatës, tash a duhet të hedhet në votim a jo ligjërish nuk e di si shkon.

Kryesuesi i Kuvendit- fjalën e ka Florin Dreshaj.

Florin Dreshaj- faleminderit kryesues! Në qoftë se është mundësia vetëm me e shtyrë e me e prit vendimin e Gjykatës atëherë jemi edhe ne pro, por në qoftë se e kemi obligim para datës 15 shtator me e marrë një vendim nuk kemi nevojë me thirr mbledhje të jashtëzakonshme për këtë punë, mundemi me marrë edhe tani, po shihet si ka me u votuar le të votohet.

Kryesuesi i Kuvendit- shiko Florin, ne mundemi me e ndërprerë mbledhjen e me e shtyrë deri me datën 15 shtator, mundemi që vetëm këtë pikë të rendit të ditës ta shtyjme dhe vazhdojmë me debat pastaj si e kanë kërkuar datën me 15 shtator. I kemi dy mundësi.

Florin Dreshaj- unë po mendoj nëse duhet të merret një vendim para 15 shtatorit atëherë mundemi me e marrë sot e mos me pasur nevojë me thirr një mbledhje të jashtëzakonshme.

Kryetari i komunës- propozimi im ishte që vendimi mos të merret deri sa të jepet vendimi i Gjykatës kushtetuese.

Florin Dreshaj- ligjërisht a e kemi atë mundësi, nëse po normal që jemi edhe ne me e prit vendimin e Gjykatës.

Kryetari i komunës- edhe nëse Gjykata nuk merr vendim deri me 15 shtator ata kur dalin me verdikt që është e obliguar me e respektuar edhe qeveria edhe parlamenti edhe ne.

Hajrush Shoshi- unë besoj që ligji nuk na obligon neve që gjithsesi të marrim një vendim deri me 15 shtator. Diskutimet që u bënë faktikisht shumica ishin pro të prolongohet kjo punë. Nëse ekzekutivi e sheh që është interes që të bëhet ndonjë falje mundet me 14 shtator me thirr mbledhjen dhe me e bërë një falje çfarë mendon ekzekutivi, besoj që të gjithë jemi pro që tatimi në pronë të paguhet. Nuk kemi as çka të shtyjme as çka të vendosim as çka të votojmë.

Kryesuesi i Kuvendit- Hajrush duhet po ose jo. Ne duhet të marrim një vendim a duam ta shtyjme deri në vendimin e Gjykatës kushtetuese, kush është që të shtyhet kjo pikë e rendit të ditës deri në vendimin e plotfuqishëm të Gjykatës kushtetuese?

Konstatohet që nga 23 anëtarë të Kuvendit në mënyrë unanime votohet që kjo pikë e rendit të ditës 'Falja e borxhit të tatimit në pronë deri në shumën 100 euro sipas Ligjit nr. 08/L-225 Për Ndryshimin dhe Plotësimin e Ligjit nr. 06/L-006 Për Tatimin në Pronën e Paluajtshme' të shtyhet deri në vendimin e plotfuqishëm të Gjykatës kushtetuese.

Shqyrtimi i pikës 6.

Kryesuesi i Kuvendit – vazhdojmë me piken e fundit Pyetje nga anëtarët e Kuvendit. A ka dikush nga anëtarët e Kuvendit ndonjë pyetje për ekzekutivin.

Negjdet Ramaj – përshëndet të gjithë të pranishmit, çka po ndodh me projektin e ujësjellësit mbivada banoret e asaj ane po ndihen të anashkaluar nga ju pasi qenë fushat

keni premtuar që ky problem do të zgjidhet brenda ditësh. Pyetja është se mos po pritni se edhe në zgjedhjet tjera ta kërkon votën duke premtuar ujë në mbi vaden.

Kryetari i Komunës – Negj unë jam kryetar i 52 fshatrave të komunës së Istogut dhe hallet e të gjithëve janë edhe hallet e mija. Jemi duke bërë presion të jashtëzakonshëm të kompania që nuk ka mundur me e bërë gjatë muajve të verës për shkak të sasisë së madhe të ujit në burim, gjë që nuk ka ndodhur që disa vite.

Niman Beqiraj – kam disa pyetje dhe një sqarim në rrugën “Bardh Isufi” e kam për kërkesën me emrat e cila është dorëzuar edhe në komunë (kërkesën me emra ja dorëzon z. Hajrush Shoshi).

Ndriçimi publik i vendosur mbi murin e xhamisë në rrugën “Feriz Blakaj” e cila lidhet edhe me rr. “Muharrem Vuthaj” është një ndriçim rreth 150m aj ndriçim është i lidhur në orën e rrymës së xhamisë dhe është bërë barre e rend për xhaminë si qëndron puna dhe a është e mundur të kalojë në pagës të komunës pasi që është ndriçim publik dhe dy rrugë po ndriçohen.

Kreks nga punëtoren të cilët kanë punuar roje të shtëpia e kulturës në Istog, nuk kanë me kontratë dhe nuk vijon punën mirë po ata kanë vijuar punën edhe 6 muaj pas kontratës dhe thonë se për ata 6 muaj nuk janë paguar.

Komuna ti mendoj me shumë vendimet në të ardhmen të cilat i merr sigurisht ato po shkaktojnë pastaj me shumë kosto shpesh për buxhetin është rasti të rrethojat e xhamisë së re të cilat i keni larguar me bager na ka jep një sqarim drejtori që kanë qenë pa leje e nuk kemi reaguar as një herë mirë po ato prap janë vendosur në vendin e njëjtë dhe njëkohësisht janë paguar prapë nga buxheti i komunës po e kërkojmë një sqarim se cila ka qenë arsyeja që i keni shqetësuar besimtarët të cilët e frukentojnë xhaminë aty dhe njëkohësisht aj vendim ka pasur edhe një kosto shpesh.

Hajrush Shoshi – kërkesa të cilën ma jepte nuk është e protokolluar askund dhe është me 21.08.2023 masë datës së mbajtjes së mbledhjes për polic të shtrirë afër shkollës është bërë shumë herë edhe përpara kanë qenë policet e shtrirë afër shkollës.

Niman Beqiraj – e ke kërkuar Hajrush dhe ta kam për me shkrim emrat peticionin apo kërkesë e cila i ka 22 emra, me rendësi është të jenë zebrat kush çka ka thanë nuk është shumë me rendësi.

Agron Gashi – kam dy pyetje: ueb faqja zyrtare e komunës së Istogut nuk është duke punuar, kam dëgjuar se nuk po funksionon edhe disa komuna tjera nga ekspertat po flitet që ka me pas dame në mungesë të plotësimit të dokumenteve për grandin e performancës së vitit të kaluar kështu që a kish mundur dikush me ma jep një përgjigje këtu.

Si po ec procesi i pajisjes së nxënësve me libra po ka pengesa me këto aplikacione kam rastë kur prindërit me kanë thirrur për me ju ndihmua me aplikuar ndoshta edhe ju vetë keni asistuar. Kërkoj që të bëhet një zyre që me ju ndihmuar qytetarëve se vërtet po kanë probleme.

Kryetari i komunës - sqaron rreth pyetjeve të bëra.

Drejtori i Arsimit, z. Naim Behlulaj – sqaron rreth pyetjeve të bëra

Florin Dreshaj-unë e pata një kërkesë nga qytetarët që e kemi marrë, bëhet fjalë për ish-banuesit e ish-burgut të Gurrakocit, kryetari nuk qenka këtu nuk e di kush kishte mundur me jep përgjigje, ata janë ankuar që nuk po ju paguhet qiraja. E dini që janë zhvendos. Tash vetëm me na sqaruar a është duke u ju paguar apo jo? Ata thanë që qiradhënësi po do t'i largojë prej banese? Edhe e pata një koment për këtë debatin që u bë për librat, unë mendoj që ka qenë fat në fatkeqësi, fatkeqësi sepse nuk kanë mundur të merren vesh ministria me shtëpitë botuese për shkak të çmimeve të mëdha, por është shumë më mirë se çdo njeri i blen librat vet edhe i ruan. Vetëm një rast desha ta tregoj në Gjimnazin "Haxhi Zeka" në Istog për disa vite ka qenë një kamion libra të deponuara te reja, që vitin e kaluar jemi detyruar me i larguar për me e lëshuar rrugën, ato libra janë shitur nga 6 cent kg, ne fakt nuk i kemi shitur i kemi marrë dy tuba nga kamioni dy tuba letër të bardhë, është shumë gjynah sepse janë zhvat paret e qytetarëve të Kosovës. Tash shumë mirë që është bërë kështu 80 euro ju mjaftojnë. Faleminderit!

Genc Ademaj- prof po ta jap një përgjigje për çështjen e librave edhe pse nuk është e drejtë e jona sepse vendim i ministrisë është. Ma merr mendja që ma dëm i madh është me kushtuar për të njëjtin vit shkollor për vitin paraprak 1 milionë dikush po thotë 3 milionë po këto mua nuk më interesojnë. Të jesh i bindur që mbi 1 milionë ke kosto shtesë për furnizim me libra për dallim me vitin paraprak. Edhe nëse është bërë ajo që po thua ti furnizim i pa planifikuar përgjegjësia është jo te shkollat, ndoshta shumica e prindërve i kanë siguruar librat edhe po subvencionohen, edhe kjo e ka dashtë një studim pak më të thellë. Nëse shkolla fillore "Bajram Curri " në Istog deklarohet unë i kam 10 mijë njësi që mundem klasën e parë dhe dytën ndoshta nuk kam nevojë për libra hiç dhe mos me pas nevojë ata prindër që i kanë regjistruar në klasën e parë dhe të dytën me i subvencionuar fare. Nuk mendoj që dëmtohet shteti duke botuar libra. Sa i përket pyetjes për qiranë, po të njoftoj kemi arritur një marrëveshje me një organizatë ndërkombëtare gjermane që na ka subvencionuar ka bashkë-financuar me neve në vlerë prej 6 mijë eurove për pagesën e qirasë të familjeve me gjendje të rëndë ekonomike. Çdo gjashtë muaj vazhdojnë kontratat ,një komision është në kuadër të zyrës komunale për komunitete dhe kthim që e bën rivlerësimin çdo gjashtë muaj për shkak që po ka lëvizje të madhe të qytetarëve se njëherë e kemi pas bërë së bashku me ministrinë e administrimit të pushtetit lokal që janë pas zotuar që i marrin përsipër obligimet por nuk i kanë marrë përsipër ka mbetur barrë e komunës në vazhdimësi, fatmirësisht me këtë organizatë kemi arritur këtë bashkëpunim që do vazhdoj edhe në vitet në vijim. Faleminderit!

Kryesuesi i Kuvendit- fjalën e ka Artta Balaj.

Artta Balaj- përshëndet të gjithë të pranishmit! Duke marrë parasysh rritjen e shpenzimeve në jetën e përditshme si rezultat i ngritjes së çmimeve i të gjitha produkteve në treg, jeta e qytetarëve është vështirësuar koxha përfshirë këtu edhe zyrtarët të cilët janë të punësuar në komunën tonë, andaj propozoj drejtorisë për Buxhet dhe Financa si drejtori kompetente të inicioj për miratim në Kuvend procedurën për kod të veçantë buxhetor për shujta për stafin administrativ të komunës. Propozimin tim e mbështes edhe në komunat e tjera të cilat kanë vepruar në të njëjtën mënyrë. Ju faleminderit!

Kryesuesi i Kuvendit- faleminderit Artë! Nuk qenka as kryetari as drejtori i drejtorisë për Buxhet e Financa, ja adreson edhe njëherë. Fjalën e ka Ajshe Metaj.

Ajshe Metaj- edhe unë e pata pyetjen e natyrës ose me qenë kryetari ose drejtori i drejtorisë për Buxhet dhe Financa. Unë do të isha ndërlidhur me një pyetje më herët, marrë parasysh se vitin e kaluar qytetarët e vendit tonë kanë qenë të përfshirë nga vërshimet, në vërshimet e para komuna i ka sjellë disa ndihma që ne vetë i kemi shqyrtuar në Kuvend por herën e dytë në mungesë të buxhetit komuna nuk ka pasur mundësi me ju ndihmuar aq shumë qytetarëve dhe nga diaspora faktikisht e dimë të gjithë që i kemi pas përcjellë që janë grumbulluar një pjesë e mjeteve për qytetarët që kanë qenë të përfshirë në vërshime. Pyetja ime është kështu, a kanë arritur ato ndihma të qytetarëve deri te ju e të shpërndahen te qytetarët apo jo?

Kryesuesi i Kuvendit- kjo pyetje do adresohet te drejtori për Buxhet dhe Financa dhe brenda 30 ditëve e kanë obligim me tu përgjigj. Fjalën e ka Hajrush Shoshi.

Hajrush Shoshi- u fol shumë rreth teksteve shkollore. Unë e kam një shqetësim këtu që qeveria e jonë nuk ka paraparë asnjë tekst shkollor për nxënësit e mësimi para fillor dhe nuk e kam parë askund asnjë diskutim rreth kësaj çështje. Është një pako që ju jepet fëmijëve të arsimit para fillor është shpërndarë në qeveritë e kaluara mirëpo në këtë rast nuk e kam parë. Është një kategori ku vet qeveria e ka paraparë e ka bërë një ligj mbi arsimin e fëmijërisë së hershme, nuk e di pse ka ndodhur ky lloj gabimi. E dyta u fol shumë edhe për atë që kanë mbetur përpara libra shumë, sigurisht që kanë mbetur mirëpo nxënësit me 1 shtator i kanë pasur librat, prandaj nëse humbet një tender për 500 mijë euro dhe rritet subvencionimi me libra edhe për dy milionë euro të tjerë edhe këtu mund të ketë ndonjë paqartësi.

Kryesuesi i Kuvendit – Falënderon për ju të gjithë që patet durimin të qëndroni deri në fund të mbledhjes, dhe dhatë kontributin e juaj,
E shpallë të mbyllur mbledhjen e sotme.
Faleminderit për pjesëmarrje, mirupafshim në mbledhjet e tjera.

Mbledhja përfundoi me punë në ora 12:00

Procesmbajtëse,
Vjosa Hysenaj



Kryesues i mbledhjes,
Enver Rugova

